

香散華懸諸天衣亦復如是復於處處豎立
幡幢是天城內如是等聲恒無斷絕所謂象
馬車螺等聲波那婆聲鼓聲牟澄伽聲笳聲
音樂聲又有聲音善來善來願飲願食我今
供養是毗沙門大城是天子住處復有天州
天郡天縣天村周市遍布此大城內毗沙門

天王之所任處王領所極從由乾陀山北至
鐵圍邊一切夜叉神是王所領是毗沙門城
最饒多法陀尼蒲闍尼飲食是故亦名阿羅
珂漫陀如是義者佛世尊說如是我聞

立世阿毗曇論卷第四

京四

埤埤上音禮反下魚禮反又上玉篇作埤珂漫上音歌下

立世阿毗曇論卷第五

京五

陳天竺藏真諦譯

天非天闔戰品第十八

須弥山王上頂平地瑠璃所成軟滑可愛眾
寶莊嚴譬如北地妙好氍毹種種雕鏤亦如
耳璫眾寶裝飾脚踐便沒舉足即起如兜羅

王

綿其地柔軟亦復如是金城圍繞高一由旬
埤埤高半由旬城門高二由旬門樓一由旬
半十十由旬有一一門三萬二千門是諸城
門眾寶所成種種摩尼之所嚴飾譬如北地
妙好氍毹人非人等龍獸草木及諸雜華莫
不畢備亦如耳璫眾寶莊嚴填滿具足是諸
城門亦復如是是城門邊象馬車軍之所莊
嚴是諸天子莊嚴鎧仗聚集其中為護國土
遊戲莊嚴處處寶池天水盈滿四寶為埤累
其底岸餘如上說乃至諸天男女遍備其中
亦復如是須弥山王從其上頂向下二萬由
旬是第一層是層四出並五十由旬周迴增
本四百由旬金城圍繞高一由旬埤埤一由
旬半城門高二由旬門樓一由旬半十十由
旬有一一門無數千門眾寶所成種種摩尼
之所嚴飾譬如北地妙好氍毹人非人等龍
獸草木及諸雜華莫不畢備亦如耳璫眾寶
具足是諸城門亦復如是諸城門邊象馬四

軍之所防衛爲護國土遊戲莊嚴其城外邊有諸寶池四寶爲埽累其底岸乃至天子天女遍滿國土亦復如是有諸天子名曰持鬘於此中住是須彌山本周圍數更增四百由旬合本八百由旬從頂向下四萬由旬是第二層四出並廣上層五十由旬金城圍繞高一由旬埽堦一由旬半城門高二由旬門樓一由旬半十由旬有一一門無數千門衆寶所成種種摩尼之所嚴飾譬如北地妙好毘能人非人等龍獸草木及諸雜華莫不必備亦如耳瑠衆寶具足是諸城門亦復如是諸城門邊象馬四軍之所防衛爲護國土遊戲莊嚴有諸寶池四寶爲埽累其底岸乃至諸天子等遍滿國土亦復如是有諸天子名曰常勝於此中住須彌山王本周圍數更增八百由旬合本一千二百由旬從頂向下六萬由旬是第三層四出並廣二層五十由旬金城圍繞高一由旬埽堦一由旬半城門高

京五

二

二由旬門樓一由旬半十由旬有一一門無數千門衆寶所成種種摩尼之所嚴飾譬如北地妙好毘能人非人等龍獸草木及諸雜華莫不必備亦如耳瑠衆寶具足是諸城門亦復如是諸城門邊象馬四軍之所防衛亦護國土遊戲莊嚴有諸寶池四寶爲埽累其底岸乃至諸天子等遍滿國土亦復如是有諸天子名手持寶器於此中住金城圍繞種種莊嚴亦如上說乃至諸天子等遍滿國土亦復如是須彌山王本周圍數更增四百由旬合本一千六百由旬是第四層廣上三層四出並五十由旬從海水際向上五十由旬是須彌山王第四層廣第三層五十由旬厚亦如此金城圍繞高一由旬埽堦一由旬半城門高二由旬門樓一由旬半十由旬有一一門無數千門衆寶所成種種摩尼之所嚴飾譬如北地妙好毘能人非人等龍獸草木及諸雜華莫不必備亦如耳瑠衆寶具

足是諸城門亦復如是諸城門邊象馬四軍之所防衛為護國土遊戲莊嚴有諸寶池四寶為塼累其底岸乃至諸天子等遍滿國土亦復如是此第四層四天王軍之所住處是層之外又出四百五十由旬周迴一千八百由旬有諸龍獸及金翅鳥之所住處須彌山

京五

三

王上下諸層並厚五十由旬其海中諸層悉是脩羅住處此阿脩羅為得諸天五事因緣故往攻伐何者為五一天須陀味二諸天平地三諸天園林四諸天國邑五諸天童女為是五事往擊諸天諸天亦欲得彼五事往擊脩羅何者為五一阿脩羅須陀味二脩羅平地三脩羅園林四脩羅國邑五脩羅童女為是五事往擊脩羅是時脩羅來擊諸天先於水際與龍鳥鬪若不如時更退還本若戰勝時登最下層共四王軍及諸龍鳥亦登此層一時共鬪脩羅不如更退還本若戰勝時登下二層與四王軍及持寶器天諸龍鳥等一

時共鬪脩羅若不如時更退還本若戰勝者登下三層與常勝天及持寶器并四王軍諸龍鳥等一時共鬪若不如時更退還本若戰勝時登下四層與持鬘天及下諸天并四王軍諸龍鳥等一時共鬪若不如者從此還本若戰勝時登須彌上頂是持鬘諸天往帝釋所報如是事善尊阿脩羅已來是時帝釋以一千馬駕其一車以阿羅漢衣為其幡幢象馬四兵不相參雜眾軍圍繞出往戰所時十三天王亦各皆有四部軍眾之所圍繞亦到戰所王二太子栴檀須毗亦有四軍之所圍繞同往戰所時四天王亦有四軍之所圍繞同往戰所日月天子亦有四軍之所圍繞同往戰所如是諸天並前車將軍於是處所與脩羅起大鬪戰其象軍者與象軍鬪車馬步軍例皆如是若鬪戰時其先來者必自前退是事法然如是事者佛世尊說比丘往昔諸天共攻脩羅正鬪戰時兩軍交刃諸天軍

勝脩羅退散比丘脩羅退時面向南走還其
本住諸天逐退比丘尔時脩羅作是思惟諸
天大勝我等退散諸天逐退必急我軍尚可
須更決戰第二戰時諸天大勝脩羅又退是
時脩羅復向南走還其本住諸天逐退比丘
是時脩羅更復思惟諸天大勝我等退散諸

京五

四

天逐退必急我今軍衆未盡必須更決比丘
第三戰時諸天又勝脩羅退散還至本城閉
門而住比丘是時脩羅更復思惟我已入城
諸天雖來不能攻我比丘諸天亦作是念諸
阿脩羅既入其城不可復攻是時諸天周而
圍繞令其境界止在城內諸天遂得共食脩
羅須陀之味據其平地及諸園林并其國邑
諸童女等悉皆計錄取其財寶男女戶口收
縛無遺若諸天作意欲入彼城我與脩羅同
共飲食既為親戚應往訊覲隨意往返飲食
言談既入城已若作不相應心以是心故自
然還出云何如是此城是阿脩羅無畏處故

諸天如意住此國土脩羅童女既被縛錄若
欲去時將還天上時諸脩羅裏須陀咏往贖
家口入諸天城處處訪問若見眷屬與諸天
等論價貴賤若贖得相隨還本若諸天退敗
被執縛時亦復如是忉利天上善見大城釋
提桓因之所住處阿脩羅城是阿脩羅王之

所住處如忉利天伊羅槃行園象王如是阿
脩羅亦有象王名跋陀婆呵乘行園林如忉
利天善住象王鬪戰所乘如是阿脩羅鳩羅
婆象王鬪戰所乘如忉利天州郡縣等脩羅
境界亦復如是如忉利天衣服飲食種種莊
嚴脩羅亦尔除善法堂及皮禪延多重閣如

京五

五

是義者佛世尊說如是我聞

日月行品第十九

從閻浮提地高四萬由旬是處日月行半須
弥山等遊乾陀山是日月宮殿團圓如鼓是
月宮者厚五十由旬廣五十由旬周迴一百
五十由旬是月宮殿瑠璃所成白銀所覆水

大分多下際水分復爲最多其下際光亦爲最勝是其上際金城圍繞城高一由旬埤坵高半由旬城門二由旬門樓一由旬半十由旬有一門凡十四門并一小門是諸城門衆寶所成種種摩尼之所嚴飾譬如北地妙好毘旃人非人等龍獸草木及諸雜華莫不必備亦如耳璫衆寶莊嚴填滿具足是諸城門亦復如是是地門邊象車四軍之所莊嚴是諸天子莊嚴鎧仗聚集其中爲護國土及遊戲莊嚴處處寶池天水盈滿四寶爲埽累其底岸餘如上說乃至諸天男女遍滿其中亦復如是是宮殿者說名栴檀是月天子於其中住亦名栴檀宮殿天子悉名栴檀如是宮殿住四十餘劫已衆生業增上緣故恒行光照天子在時宮殿恒行天若不在宮殿亦行天子還時隨宮所在即下其中是日宮者厚五十一由旬廣五十一由旬周迴一百五十三由旬是日宮殿頗梨所成赤金所覆

火大分多下際火分復爲最多其下際光亦爲最勝是其上際金城圍繞城高一由旬埤坵高半由旬城門二由旬門樓一由旬半十由旬有一門有十四門并一小門是諸城門衆寶所成種種摩尼之所嚴飾譬如北地妙好毘旃人非人等龍獸草木及諸雜華莫不必備亦如耳璫衆寶莊嚴填滿具足是諸城門亦復如是是城門邊象車四軍之所防衛爲護國土及莊嚴遊戲處處寶池天水盈滿四寶爲埽累其底岸餘如上說乃至諸天男女遍滿其中亦復如是是宮殿說名修野是日天子於其中住亦名修野宮殿天子

京五

六

若遊行時則受戲樂以衆生業增上緣故故有風輪恒吹迴轉以風吹故日月等宮迴轉不息日宮殿者行一百八十路月宮殿者行十五路日十二路是月一路若日出入時十二日所行路月出入時一日行之得度從極南路至極北路二百九十由旬日月於是中行無有減長日復有兩路一者外路二者內路內路者從閻浮提路內至北鬱單越內路相去四億八萬八百由旬周迴十四億四萬二千四百由旬其外路者相去四億八萬一千三百八十由旬周迴十四億四萬四千一百四十由旬其月行者傍行則疾周行則遲其日行者周行則疾傍行則遲日行與月或合或離一一日中日行四萬八千八十由旬合離皆尔若稍合時日日覆月三由旬又由旬三分之一以是方便故十五日一切被覆月光不現若稍離時日日行四萬八千八十由旬是日離月三由旬又一由旬三分

京五

七

之一以是方便故十五日月大圓明如是數量日行周圍疾速於月四萬八千八十由旬尔時世尊重宣此義而說偈言

四萬有八千 八十諸由旬 日逐月行尔 離月量亦然

日恒行一由旬半又一由旬九分之一其一一日出時如是入亦如是六月日中從內路出至於外路六月日從外路入至內路月恒行十九由旬又一由旬三分之一其一一日出亦如是入亦如是十五日從內路至外路十五日從外路至內路日若行東弗婆提內路取東弗婆提地南際相去六百八十三由旬又一由旬三分之一是中日行內路日若行閻浮提內路取閻浮提地南際相去三百五十由旬是中日行內路日若行西瞿耶尼內路取西瞿耶尼地南際相去六百八十三由旬又一由旬三分之一是中日行內路日若行北鬱單越內路取北鬱單越地南際相

去三百五十由旬是中日行內路日若行東弗婆提外路從地南際取日外路三百九十三由旬又一由旬三分之一日於中行若日行間浮提外路從地南際至日外路六十由旬是中日行外路若日行西瞿耶尼外路取地南際至日外路三百九十三由旬又一由旬三分之一是中日行若日行北鬱單越外路取地南際六十由旬是中日行若日行東弗婆提內路則行西瞿耶尼外路則行南閻浮提北鬱單越中路是時東弗婆提日最長十八牟休多是時夜最短十二牟休多西瞿耶尼夜最長十八牟休多日最短十二牟休多間浮提北鬱單越日夜等分並十五牟休多其六牟休多恒動二十四牟休多不動若日行東弗婆提外路則行西瞿耶尼內路則行南閻浮提北鬱單越中路是時東弗婆提夜最長十八牟休多日最短十二牟休多西瞿耶尼日最長十八牟休多夜最短十二牟

京五

八

休多南閻浮提北鬱單越日夜等分並十五牟休多若日行間浮提內路則行北鬱單越外路則行東弗婆提西瞿耶尼中路是間浮提日最長十八牟休多夜最短十二牟休多北鬱單越夜最長十八牟休多日最短十二牟休多東弗婆提西瞿耶尼日夜等分並十五牟休多日若行南閻浮提外路則行北鬱單越內路則行東弗婆提西瞿耶尼中路是時間浮提夜最長十八牟休多日最短十二牟休多北鬱單越日最長十八牟休多夜最短十二牟休多東弗婆提西瞿耶尼日夜等分並十五牟休多西瞿耶尼北鬱單越並如是說若世間中三十年休多決定恒為一日夜其一牟休多有三十分是一一分名曰羅婆日若增時日一羅婆日若減亦一羅婆夜亦如是若日減時夜增一羅婆若夜減時日增一羅婆若日最長十八牟休多是時夜則最短十二牟休多若日夜最長十八牟休多

是時日則最短十二年休多若日夜等時日
十五年休多夜十五年休多若五月十五日
正圓滿西國始結夏時漢地安居已滿一月
是時日則最長十八年休多夜則最短十二
年休多從十六日減一羅婆月減一年休多
第二月又減一年休多第三月又減一年休

京五

九

多至八月十五日西國自恣時漢地受迦絺
那衣時日夜平等各十五年休多又從十六
日乃至一月復減一年休多第二月又減一
年休多第三月又減一年休多至十一月十
五日其夜最長十八年休多其日最短十二
年休多是夜從此時日減一羅婆一月日則
夜減一年休多第二月又減一年休多第三
月又減一年休多至二月十五日夜平等各
十五年休多又從十六日乃至一月復減一
年休多第二月復減一年休多第三月復減
一年休多至五月十五日其日最長十八年
休多其夜最短十二年休多復有別時若西

國夏分第一月月中第二半第九日是為六
月九日是時日最長十八年休多夜最短十
二年休多至九月九日日夜平等各十五年
休多十一月九日是夜最長十八年休多日
最短十二年休多三月九日日夜平等各十
五年休多如此迴轉具足五年有一遊伽即

兩閏月其一從月其一從日五年中間十二
日又九日又六日又三日又十五日此中日
夜是其長短月者分別三用一者分別月二
分別十五日三分別圓滿日者分別夜日分
別夏冬秋節分別年是三用從日得成閏月
有兩者一從月二從日是閏月者從月所作
四月日應作兩小月一小月者是第三半中
第二小月是第七半中一年之中應六小月
五年足少三十日此三十日應補五年中若
不作小月則月圓不當時是小月者從日所
作依世間說以三十年休多決定是一日夜
分三十年休多為六十分日行疾故五十九

分便周長餘一分因是事故二月則長一日又二月復長一日乃至一年足長六日如是五年則長一月用是一月補五年中是為日家閏月若不作閏者時節及年差壞不當復次五年應兩閏月第一者在第三年第二者在第五年若月在閏浮提中更三月日至西

京五

十

瞿耶尼若北鬱單越則六月日東弗婆提則九月日若周一年還至閏浮提一天下中恒有夏冬春三時夏者為春所隨冬者為夏所隨春者為冬所隨東弗婆提八月十五日自恣時閏浮提是五月十五日結夏時西瞿耶尼二月十五日北鬱單越是十一月十五日

東弗婆提夏分三月已出在東弗婆提南閭浮提二洲中間西瞿耶尼春分三月未出在閭浮提瞿耶尼二洲中間瞿耶尼春一月已出鬱單越冬分二月未出是為三月在瞿耶尼鬱單越二洲中間鬱單越冬分二月已出弗婆提夏分一月未入是為三月在鬱單越

弗婆提二洲中間須彌山王在四天下之中央云何須彌山在四天下北邊所謂隨日行分判東弗婆提東方是南閭浮提北方東弗婆提西方是南閭浮提南方東弗婆提北方是南閭浮提西方東弗婆提南方是南閭浮提東方北鬱單越西瞿耶尼亦復如是南閭

浮提北鬱單越正對東弗婆提西瞿耶尼正對是時最初日月下生世間相去甚遠日下東弗婆提中央月下西瞿耶尼中央余時光明遍照滿四天下日照一半月照一半若日已過東弗婆提中央北鬱單越日已沒南閭浮提日已出若月已過西瞿耶尼中央閭浮

京五

十

提已沒鬱單越已出若滿月夜已至鬱單越月正中時南閭浮提日則正中日過閭浮提中東弗婆提已沒西瞿耶尼已出若月過北鬱單越中央東弗婆提已出西瞿耶尼已沒東弗婆提若滿月夜月正中時西瞿耶尼日則正中日過西瞿耶尼中央閭浮提已沒鬱

